



Inuit Silattusarvirjuarmi
Ilinniarningingnut
Qanuqtuuruti
Ilinniariiqutut Amisururiaqtitauningit

Juuni 2020



Inuit Tapiriit Kanatami Miksaanut

Inuit Tapiriit Kanatami (ITK) Kanatami Inungnik kiggaqtuijuvut katujjiqatigiingulluni. Amisuuningit Inuit nunaqaurmata Inuit Nunaanni, Inuit Nunangat 51-ngutillutit nunaliit tauvanngat Inuvialuit Avittuqsimaninganik, Nunavut, Nunavik, ammalu Nunatsiavummi. Inuit Nunangat ajiunngittuuvuq nunangat, niruaqtausimasuullu qanuiliurningit, ammalu piqqusingit, Inuit Nunangat kanatap nunangata avvangata avvakkanninga anginilik, Ukiuqtaqtulimaap sijjalimaanga piqutigijauulluni, ammalu angijummariulluni tariunga. Inuit Tapiriit Kanatami Ilagijauvviusuuq tisamanut Inuit nunataaqsimajut katujjiqatigiingniingaaqtunut tamainni kiggaqtuijut Inuit Nunanganni:

- Inuvialuit Avittuqsimaningata Kuapuriisangit (IRC)
- Makivik Kuapuriisan (Makivik)
- Nunavut Tunngavik Timinga (NTI)
- Nunatsiavut Gavamangat (NG)

Niruarunnaqtut ilagijaujut Inuit Tapiriit Kanatami Katimajingit niruaqtausimasuunguvut Inungnut. Inuit Tapiriit Kanatami katimajingit ukuanguvut:

- Iksivautaq ammalu Aulattijimmarik, Inuvialuit Avittuqsimaningata Kuapuriisangit
- Angajuqqaq, Makivik
- Angajuqqaq, Nunavut Tunngavik Timinga
- Angajuqqaq, Nunatsiavut Gavamangat

Qaangagukkanniq niruarunnaqtut katimajingit, ukua niruarunngittut Ilauqataunginnaqtuuvut Kiggaqtuijuullutit Iksivaaqatausuut Katimajinut:

- Angajuqqaq, Inuit Silarjuarmiut Katimajingit Kanatami
- Angajuqqaq, Pauktuutiit Inuit Arnait Kanatami
- Angajuqqaq, Kanatami Inuit Makkuktut Katimajingit

Inuit Tapiriit Kanatami angajuqqaangat niruaqtausuuq niruarunnaqtunut katimajinut ammalu kiggaqtuijingingnut pingasut arraagut nalliraangat.

Tautunnguaqtavut

Kanatami Inuit piruqpallialutit atausiulirningingnut ammalu nangminiq-piliriaqalirningingnut.

Pinasuagavut

Inuit Tapiriit Kanatami Kanatami nipigijauvuq sapujjillutit ammalu sivumuattillutit Inuit Kanatamiutaujut pijunnautingingnik ammalu pijumajanginnillu.


Amisuliuqtajariaqanngittut piqutigijauningingnut © Inuit Tapiriit Kanatami 2020
Sakkutaujut titiraqtaullutit ammalu qarasaujakuungallutit (Atuinnaumavut Qallunaatituungallutit, Inuktut,
ammalu Uiviititut)
ISBN: 978-1-989179-46-8

Unikkaaq Nainaaqsimaningit

14%-tuinnakulungit Inuit ukiuliit 15-62-nut, silattusarvimmi silattusarvirjuamilluunniit nalunaikkutaqarmata, ajjiginngitammarialua amisuuningit ilinniariqsimajut asingit Kanatamiutaujut Nunaqaqqaaqsimanngittut 42%-ngullutit. Tamanna ilakuuluarninga amigaqsiluasuunguningit ilinniariqtut ullumi tukiqarajaqpuq pijariirutit 18,200-kkanniujut pijariirirutit Inuit silattusarvirjuami nalunaikkutaqtaarlutit angummattigunnalirajaqtut amisuuningingnik asingit kanatamiutauqatingit ilinniariqsimajut. Taanna qanuqtuuruti pivalliaqutiqagalagiaqtuq nalimugiinni qarjuuminiarmata Silattusarvimmi Ilinniariqullugit, qanuinningit akaunaarjuumitinnasuarlutit Inuit ilinniariirunnaniarmata. Pinasuagarjaksammarialungnit tikitaunasuarutinit aqqiijuq qanuqtuuruti tamakkua amisuuningit marruiliqqangakkannimmarinniarmata ilinniariqtut Inuit Silattusarvirjuami Ilinniariqsimalutit (PSE) quliiit arraaguniaqtunit.

Taanna qanuqtuuruti nalunaijaqsimavuuq amisuuningit qanuiliurutigijaksaujunit ammalu pinasuagaujunit ikajurniqarajarmata Inuit Silattusarvirjuami Ilinniariirutigijaksaukkannirutigijaugajaqtut ammalu pinusivaalliqtillutit inuusingingni. Tamanna nalunaijaqsimaninga Ajjinguaq E.1-miippuq.

Ajjinguaq E.1 amisururiaqtauningit ilinniariqtut Inuit Silattusarvirjuami Ilinniariqsimalutit – Qanuqtuurutit Nalunaijaqtausimaningit.



Pingasuummata qanuiliurutigiluarialivut. Sivulliqpaaq ammalu angilaaq piliririjavut kiinaujat ikajuqtuqtaujutiit amisururiaqtitaulutit Inuit ilinniaqtinut. Qaujsaat ammalu uqautausimajut attuqtausuunit nalunaiqsittisimavut ullumiujuq kiinaujat ikajuusiat naammanngimmata amisunut kinnguumangijangingnut Inuit ilinniaqtiit. Kiinaujaqtaariqattarialingit ilinniaqtinuurlutit ilinniaqtiujup atausip amisururialit imannanik \$20,000i tiki&ugu \$35,000 arraagumut Tamakkua amisuuningit kiinaujat pijaujarialiit tunngaviqaqtut ukuninga:

- Uqausiviningit Inuit ilinniaqtiit qaujsaaqtigut ammalu apiqsuqtauningitigut;
- Aturaksaunngittunik niriunniqaqtitaujut akituningita inuunasuarluni aullarlunilu ajjiginngimmagu Inungnut ammalu nunaqaqqaaqsimanngittunut ilinniaqtinut; ammalu
- Kinnguumattiniqsaumimmata asingit ilagiit ikajuqtuqtaujarialingit, suurluk pairivinut, Inuit ilinniaqtinut.ii

Asingit ikajuqtaujuutigijarialingit Inuit ilinniaqtiit silattusarvirjuarmi iglurusiqauqtut, Inungnut Silattusarvingmi

Ilinniaqtunut pijunnarajaqtut nunaliujunit, ammalu aaqqiijuqarluni piuniqsamik tunngavigigajaqtangit ilinniaqtiit quttiniqpaami ilinniariirrunnaqullugit. Kanatami aaqqisuqtauttiaqsimaniqsaujariilii, uattijaulutit, ammalu Inungnik sivuliqtiquaqtianiqsaulutit piliriarmut pitaqariaqarivuuq.

Tamakkua ilakuuningit pitaqarunniqullugit ammalu marruiliqqangakkannimariqullugit amisuuningit Inuit Silattusarvingmi Ilinniarriiqattaqtut quliit arraaguulaaqtunik (surrattaunngituinnarutit nalauttaaqtausimaningit), \$416 milian kiinaujakkanniit pijaujariaqaqput, \$312 milian kiinaujat ilinniaqtinuuqattarajaqtut. Ammalukkanniq, kiinaujaqaqtitaujariaqarmijut ukununga:

- Ilinniaqtinut ikajuqtuijutaugajaqtut suurluk ilinniaraksat pigganarniqsaujunit pilimmasaqtitulutit, inuusilirijaulutit, aanniaqtailimaningit, ammalu inuusingnut ikajuqtuijutiit;
- Nunalingmiut ilauqataugutit kajungiqsaqattarajaqtut Inukkannirnik silattusarvirjuarmuuqujiqattarlutit, ammalu;
- Kanatami aaqqisuijuqaqattarluni atauttimuuqtauqullugit, ikajuqtuqtaulutit, ammalu uattijaulutit ilinniaqtiit pijariittiarningit .

Akingit, nalauktaaqtausimallutit \$416 milian kiinaujat (kiinaujallattaat \$), tukiqarunnaqtuq imannakkanniit \$30 milian kiinaujat kiinaujjaksaarigajaqtangit tamakkua Inuit ilinniaqtiit arraagut quliujuq aniguqalliatillugu tamanna qanuqtuuruti atuqtauninganik, taimaikkajangi&&utit kiinaujjaksaat niriugijausuut Inuit ilinniaqtinut pijariqtuviniujut asijjinnikkuni tamanna. Iqqanaijaaqaqtillugit, tamakkua silattusarvirjuarmi ilinniariiqsimajut quliit arraagut akuniutigijuuq aniguqalliatillugu atuqtauluni tamanna kiinaujaqaqtitaunirmut qanuqtuuruti kiinaujjaksagunnarniqarajaqtut imannanik \$3.7 vilian kiinaujat asijjitaunngikkuni atuqtauvattup saniani.

Inuusingingnut ammalu kiinaujjaksagunnarningingnut ikajuutigigajaqtangit, piqasiutillugit kiinaujjaksaarillattaarajaqtangit, ilinniaqtinuuqtaulutit ammalu iqqanaijaaqarunnattianiqsaulirlutit, nangminiqsuttiarniqsaulirajaqtut Inuit kiinaujjaksagunnarningit ammalu Inuit qanuinninniqsaulirlutit tamakkualu angijungmarialuuvut ammalu ikajurniqarajaqtuni taakkununga Kanatami pivalliajulirinivut.

Tukisitittiingautingit


Taanna qanuqtuurutiujut aqqisuqtaulilauqsimavut Inuit nangminiq qaujisaqtuviniulauqtillugit, uqaqatigiilauqtillugit, ammalu uqaujjausimaqattaq&utit ajjigiingittunik piliriarniinngaangajut, piqasiutillugit Inuit Tapiriit Kanatami qimirrunalauq&utit Inuit Silattusarvirjuarmi Ilinniariiqsimajut ammalu iqqanaijaqatiqattalauq&utit Inuit katujjiqatigiingingnik Kanatami. Inuit Tapiriit Kanatami iqqanaijaqatiqainnarasuarniaqput Inuit katujjiqatigiingingnik ammaluttauq taikkuninga attuqtauniasuunik ammalu piliriarnik aulattijit timingingnik aqqiksuiqatiqarumallutit atuliqujaujunit nalunajattiaqsimajunik pilirivvingmi parnautiliariausimajunut ilisaqsiniqarajaqtut avittuqsimajunik ajjigiinginningingnik piulaakkut pijittirarutauniarmata asijiraksaujut atuliqittigiingautingit ammalu piqasiujjigajaqtut kiinaujaqattittijusiqauqtunik. Tamanna qanuqtuurutiujut kiinaujaqakkanirnik pinasuaqput matujauniarmata ammalu ungataujimmarillutit ilakuuningit pitaqaunngittut atuqtausuut taakkununga Inungnut ammalu nunaqaqqaqsimangittunut Inuit Silattusarvirjuarmi Ilinniaqtinut Kanatami.

Ilakuuningit Inuit Ilinniariirunnaqullugit

Ilinniariiqattangittut Inuit amisuuniqsauvut taakkua Nunaqaqqaqsimangittut Inuit Kanatami amisuuniqsauullutit, takuksauulluni ajjinguuq 1-mi. Taanna Qanuqtuurutiujut matusinasuaqput tamakkuninga ilakuuluaqtunik, ammalu takuksautittilluni taimaikkutit, inuusirmut–kiinaujaliurnirmut ikajuutimmaringit pijaujunnakautigigajaqtut. Qattiinnakuluit Inuit pijariiqsimangmata Silattusarvirjuarmi Ilinniariiqsimajut, ammalu qaujijaksauniqsauulluni silattusarvirjuarmi silattusarvituinnarmi pijariiqsimaniqsausuungullutit ilinniariiqsimallutit. Tamakkunia ilakuuningit matujaugutit ammalu piliriaqarniqsauluta silattusarvirjuarmi ilinniarningingnik asijiniqakautigigajaqtummarik kiinaujaliurunnarningingnik ammalu inuusingit piusiniqsaulutit tamakkua ilinniaqtiit Inuit, Kanatalimaarmi, ammalu tamainnilimaattiaq sanajulirinirmi pivaallirutiqattianiqsaulirunnakautigijut.

Ajinguuq 1. Ilinniariirunnaqullugit Ajjigiinginningit Takusaujut, Inuit ammalu Nunaqaqqaqsimangittut Inuit Kanatamiutaujut.

Highest Degree Attained, Age 15-64, 2016 Census



Amisuuningit Ajjigiinngittugutaujut Ilinniariiqsimaningit Nunaqaqqaqsimanngittut Kanatamiutaujut Saniani

- Qattiinnauniqsakuluit Inuit pijariiqsisimavut Silattusarvingmi Ilinniarnirmik (7%–tuinnakuluullutit ajjigiinnginningit);
- Qattiinnauniqsakuluit Inuit pijariiqsisimavut Silattusarvirjuarmi Ilinniariiqsimajut (21%–tuinnakuluit ajjigiinnginningit);
- Inuit iqqanaijaaqannginnisaukkajusuut (12.7% ajjigiinnginningit).;
- arraagutamaat tamainni katilimaaq&ugit naasaqtausimaningit ajjigiipalungningita kiinaujjaksarijajusuut imannauvut \$68,526 qattiinnauniqsat Inuit kiinaujjaksaningit taikkua nunaqaqqaqsimanngittut Inuit saniani Inuit Nunanganni iqqanaijaqtutiii; ammalu
- Arraangutamaat tamainni katilimaaq&ugit naasaqtausimaningit ajjigiipalungningita kiinaujjaksarijajusuut tamainni Inuit Kanatami imanna \$10,102 qattiinnauniqsasuut kiinaujjaksaningita nunaqaqqaqsimanngittut Inuit iqqanaijaqtutiv

Inuit amisuuniqsat Silattusarvimmi Ilinniariiqpallialiqtillugit, Inuit ammalu Nunaqaqqaqsimanngittut Inuit Kanatamiut pijariiqsimaqattarningit silattusarvimmi ajjigiilipalliavut. Ikanaijarunnarningit Inuit attiniqsammariungmata (9-13%–) taikkua Nunaqaqqaqsimanngittut Inuit Kanatamiut amisuuniqsautillugit, malittugit qanutigi ilinniaqsimaningit, kisanili, amisuuningit iqqanaijasuut Inuit silattusarvirjuarmi pijariiqsimajut taimannatigialuk quttipput Nunaqaqqaqsimanngittut Inuit Kanatamiut amisuuningingnik, iqqanaijaaqannginnisagalaatuinnait 2%–nik.^v

Naasaq&ugit Amisuunirisuungit, Silattusarvimmi Ilinniariiqsimajut Kiinaujjaksagutauningita Amisuuninginnut Surratittigutaummarisuunguvuq:

- Inuit qanuittutuinnarnik Ilinniaqtut Silattusarvimmi nalunaikkutaqtaaqsimajut kiinaujalijusuut \$13,190–kkannimmarialungnik arraagumut taikkua Inuit quttiniqpaami ilinniariiqsimajut sanianivi;
- Inuit silattusarvimmi nalunaikkutaqtaaqsimajut kiinaujalijusuut \$16,303–kkannimmarialungnit arraangumi taikkuninga Inuit quttiniqpaami ilinniaqsimatuinnaqtunit saniani; ammalu
- Inuit silattusarvirjuarmi pijariiqsimajuq, kiinaujalijusuut \$37,526–kkannimmarialungnit arraagumi Inuit quttiniqpaami ilinniarvimmi pijariiqsimajut saniani.

Pijjutingit

Kanatami, 42%–ngujut nunaqaqqaqsimanngittut Inuit silattusarvimmi uvvaluunniit silattusarvirjuarmi nalunaikkutaqauqput. Ajjiginngi&&uniuk, imannakuluit 14% Inuit nalunaikkutaqauq&utit silattusarvirjuarmi pijariiqsimajut. Amisururiaqtauluni ilinniariiqsimajut Inuit Kanatami taikanngat 14%–nik tavvunga 42%–nut tukiqarajaqtuq ungataaniittut 18,200 inukkanniit silattusarvimmi silattusarvirjuarmiluunniit nalunaikkutaqalirajaqtut.

Inuit silattusarvimmi ammalu silattusarvirjuarmiittut amisuuningit pijariiqsimaningit ajjiginnirunigit taikkua Nunaqaqqaqsimanngittut Inuit Kanatami pijariiqattasuut, tukirajarmat imannakanniit \$586 milian kiinaujjat arraagumut kiinaujaqtaarijauqattariaqarajaqtut Inungnut. Kiinaujaliurunrarajarningit tamakkua Silattusarvimmi Ilinniariiqsimajut amisummariugajaqtuq, Inuit ammalu Nunaqaqqaqsimanngittut Inuit Kanatamiut amisuuningit ilinniariiqattannginningita amisuuningit takullugit plusivaallikkannimmarigunnaratta ajjigiigunnaliqullugit amisuuningit Inuit ilinniariiqutut.

Inuit Tapiriit Kanatami qimirrunigit Inuit Silattusarvimmi Ilinniaqtunik, uqautausimajut Inuit uqaujjiqiaqtiit katujjiingit, ammalu saqqiqtuviniiit Kanatami katimaningit Inuit Silattusarvimmi Ilinniaqtut nalunaiqsisimavut Amisunit pijutiqaluarmata ammalu avviarutiqaualuqtutit Inuit Silattusarvimmi Ilinniarlutit pijariirunnaliqullugit. Ukua kamagijaulutit tamakkua pijjutiit pimmaruugajaqtut Inuit silattusarvirjuarmi ilinniariirunnaliqullugit ajjiqarlutit asingingnik nunaqaqqaqsimanngittunik Kanatamiutaujunit:

Tukimuattitaunngiluqutut: Inuit ilinniaqtiit qaujimanngimmata tamainnilimaaq Silattusarvimmi Ilinniaqtut kiinaujanik pijunnarningingnit ajjigiinngitunit ammalu nakinngaanganingit ammalu qanuq pinasuarunnarmangaarmik kiinaujanik qaujimanngittut. Inuit tukimuattitauttianiqsauqattarialiit ammalu atuni ilinniaqtitaqattarialiit kiinaujanit pinasuarnimut aulaninganik ammalu aaqjiuqarluni ilinniaraksanik ammalu aaqquisuqsimaningingnik atuqtauniaqtunik. Tukimuattitaukkanniriaqarmijut ilinniariiqsimajujarialiit iqqanaijaaqtaarunnaliqullugit iqqanaijaaksaujunit nunalingni.

Piqutirjuaqanngiluqutut (suurluk qarasaujarnuungaruluujaqtunik): Inuit tukisigiarunnattianiqsaujariaqarmata ammalu qarasaujakkut ilinniarunnarlutit nunalingni ilinniagaksanik pilimmaksalirajarmata ammalu ikajuqtuqtaulutit. Tamanna tukilik aturunnatuinnarlutit qarasaujarnuungaruluujaqtunit, suurluk qarasujat, ikiaqqijjuti, sukattukkuurutiit, qarasaujarmuurniarlugit ajjiliuqsiniq paippaanik, ammalu titirarvinik qarasaujarniinngaaqtunit atuqtauqattariaqasuungummata Silattusarvirjuarmuurasuarluni. Tamainnilimaaq Inuit ilinniaqtiit aturunnapanngittut tamakkuninga atuutinit angirringingni uvvaluunniit nunalingingni. Ikiaqqijjutinik aturasuarunnarluni Inuit Nunanganni tatiksaqarviksaunngimmat ammalu ikiaqqijjutingit kigliqaluasut qarasaujarniittuunit pinasuaqtuni ammalu ilaliujjigasuarluni saqqiqtitilluni naatirialingnik ammalu katiqsuqsimajunit tukisigiarutinit aksururnasuuq amisunut.

Inungnuungajunit ikajuqtuijjutiksaqtaqanngiluaqtuq: Inuit nunalingit, ilangit, ammalu atuni piuniqsamik Inungnuungajunit tukimuattitauttialiiit, ikajuqtuqtauniqsaulutit ammalu aturaksanik Silattusarvirmut Ilinniariarunnarningingnik naliiraaraksaqarlutit quttiniqpaamik ilinniariiruit, qaujimaarijaulirlutillu ikajuqtuqarninga Silattusarvimmi Ilinniariiruluni, ammalu aulanittianiqsakkut ilinniarutiksaminik ikajuqtuqarlutit ammalu aaqqigutiksaugialingnik ikajuqtuqtauniqsaulutit silattusarvimmuqsimajut ilinniaqtiit.^{vii}

Turaanganiquaqtunik Inungnut Silattusarvimmi Ilinniarutiksaqtaqanngiluaqtut: Inungnuungajunit ammalu Inungnut turaangajut ilinniarutiksaqtaqarialik Ilinniaqtiugunnaliqullugit Inuit Silattusarvirmut. Ilinniagaksat turaanganiquattialiiit Inuit inuusingingnut nunaliujuni ammalu nunalipaujajunit. Amisuuniqsanit Inungnik ilisaijiaqarialik tamainni quttinnilimaattiangingnik ilinniarvini ilinniariittianiqsauliqullugit Inuit silattusarvimmi.’

Ilinniaqtitauingit attiluasuit: Inuit upalungaiqsimattialiiit ilinniariiqsimajariaqarningingnik quttiniqpaami silattusarvirjuarmuurunnaliqullugit. Ilinniarviit Inuit Nunangani aturaksaminik atuinnaumatitaujarialiit ammalu ikajuqtuqtauttlarlutit sivuniagut Silattusarvimmuulaaqut Ilinniaqsimajariaqarningit ilinniariiqsimalirunnaqullugit ammalu niriugijauniqasuungit Silattusarvimmuurunnarluni pijariiqsimattiarajarmata ammalu ajjigiittunik ilinniariiqsimajariaqarajarmata ilinniaqtiit upalungaiqsimattiaqullugit Silattusarvimmut ammalu ilinniariiqsimajariaqarningit ammalu niriugijarviuningit ilinniariiqsimaniarmagit Silattusarvimmi Ilinniarunnaliqullugit. Ikajuqtuqtaunngittillugit, ilinniaqtiit Inuit Nunanganniinngaangajut akarrijaarnangittukkuulisuit upalungaiqsimanngittiaq&utillu piliriaksarigajaqtaminik ilinniarlutit, qanuiliuqtaujariaqasuurnik ammalu niriugijaqarviuningingnik Silattusarkummi Ilinniarlutit. Piqasiujjimmijuq ikajuqtuqtauniqsaulutit innauniqsait ilinniaqtiit Ilinniariiqsimajariaqasuungit Silattusarvimmuurunnaliqullugit. Inuit upalungaiqsimattianiqsaujariaqarmijut Kanataup Nigiani inuusiqaalaarningingnik, ajjinngitammarialugingmagu angirrangita nunangani. Inuusirmi ajurunniiqsimajariaqarningingnik silattusarvimmiiruit ilinniaqtitaujariaqarmijut quttiniqpaami ilinniaqtiillugit upalungaiqullugit ilinniaqtiit ilaakkuungalutit inuugarajarmata Kanatap Nigiani inuusiqaalaaliqtiillugit uvvaluunniit nutaarmi nunaliujumi. Inuit ilinniaqtiit Inuit Nunanganni iliqqusirijaujut ajjiginngiluarninganut quaqsaaqsimanisauunguvut ammalu asijjittummariullutit inuusingit nunalinginiinngaaqtiillugit Qallunaat Nunalipaujanganuuq&utit taikkua nunaqaqqaqsimanngittut Inuit iliqqusirmi ajjiqanngiluarninganut quaqsaaqsimannginnisauungullutit nunalipaujarmut nuuttaraangata silattusarvimmut ilinniaruaqtiillugit. Tamakkua inuusirmi ajunngigiaqarningit piqausijjivut, kiinaujanit kamattiarniq, akiliqsuiluni akiliksanit, aturniaqtangit ulluq aniguqpalliatillugu atuttariaqarnirmik, aqugiurnirmik, ammalu ilinniaqtauluni Inungnut kikkutuinnarnut atuqtausuit vasii aulanisauunguninga namunngaullutit.

Iqqaqtuqtaukammaluasuut Asingingnut Inungnut Silattusarvimmuuqsimajut ammalu Kinguvaarijaujut Aanniqtauliqqisuunguningit Sivuvaangit Ilinniariaqtitaualauqsimajut Aanniqtuminiusimangingnut:

Kamagijaukkanniriaqammaringmat kinguvaarijaujut aanniqtauliqqisuunguningit ammalu iqqaqtuqtaukammaqattarningit silattusarvirjuarmuqtut taikkua sivuvaarijaujut ilinniariaqtitaualauqsimangingnut. Silattusarvimmuuqattarniq iliqqusirijauluni isumagijaujarialik, atuqtaumiasuunguluni isumagijaulirluni, ammalu takuksautituluni piujuuninganik inuusiqattianiqsaulirutajunnarmat–kiinaujaliuttiarutaulirunnarmat Inuit nunalingingni.

Ilinniariiqsimajut Silattusarvimmi Inuit Ikajuqtigijaugunnatillugit Atuqtaunngiluqaqtut: Inuit Silattusarvimmi Ilinniariiqsimajut atuqtaunngiluasuungungmata ikajuqtigijaulutit ikajurajaqtut piusivaallititiluni ammalu tusaumaliqtittitilutit Inungnik Silattusarvirjuarmi Ilinniarajaqtaminik ammalu sivuniksami ilinniaqtigajaqtunit. Ilinniariiqsimajut silattusarvimmi Inuit ikajuqtuqtauttianiqsaugajaqtut unikkaarninik katujjiqattarlutit ammalu Inungnik makkuttunit ilinniatittiqattarlutit qanuiliuriaqarnirminik.

Ajjiingngiluqaqsuut ammalu Naammangiluqaqtut Kiinaujat: Kiinaujaqanngiluqaqtarniq avviarutauluasuuq Inungnut Silattusarvimmi Ilinniarumajunut. Kiinaujaqattianiqsaujariialit akiliutauqattaqullugit aullarutingit, ilinniaqtiit amisuuniqsat qiturngaqausuungungmata, ammalu akittupalliatuinnaq&uni inuunasuarniq. Tamakkua kiinaujat ammalu tuniuqqaqtaujusingit nalimuttariialit asingit piqattarningit kiinaujanik, kiinaujaqtaaqtitauqattainnarlutit ammalu pijajunnarlutit tamainnut Inungnut, nakinngaangagalarutit. Kiinaujanit ikajuusiaqtaatittijujut ajjiittumik kamagialit atuinnaumatittinasuarningingnik, aulattiningingnik, ammalu amisuuningingnik tamainnut Inuit avittuqsimajungingnut, piqasiujjaummilutit nunalipaujarmiutaujut Inuit. Avittuqsimajuniinngaanganingit kigliqaqtitausuungujut ammalu avittuqsimangingni aullaqsimangingit avviarutaujunnasuungummata ilinniaqtinut nunaqaunngikainnaqtut nunatuqaminik uvvaluunniit nunatuqangita silataaniikutaanniqsauvattunit. Kiinaujat ikajuutaujariialit tunijauqattarlutit tamainnut Inungnut nakinngaarniqaraluarutilluunniit namituinnaq uvvaluunniit qanutigi aullaqsimanniralarutit nunatuqaminik.^{viii}


Tautunnguaqtavut

Inuit Tapiriit Kanatami tautunnguaqtanga amisururlutit Silattusarvimmi Ilinniariisuut ammalu quttiniqsaruqtitalutit 14%–tuinnakuluit Inuit silattusarvimmi silattusarvirjuarmiluunniit nalunaikkutaqarningit 42%–rulirlutit nalunaikkutaliit, ajjiqarajaqtut taikkuninga nunaqaqqaqsimanngittunit Inungnit ilinniariisuungungita amisuuningingnik. Pigiartuqarluta, qulit arraaguuniaqtunit, niriukkatta marruaqtikkannimariulirlutit amisuuningit Inuit ilinniariisuut pijariiqattaqtut silattusarvimmi ullumiujuq ilinniariisuunguningingnik, amisururlugillu Silattusarvimmi Ilinniariiqutut amisuuningit 30%-nik imannapaluulirlutit 50%, kamagijaunasuammarillutillu amisururlutit ilinniariiqutut Inuit silattusarvirjuarmi. Tamanna pimmarivuuq pivaallirutigijaulirluni piusivaallirajarmata ammalu sanngattitalutit inuusiqaallirajarningit–kiinaujjaksagunnattianiqsaulirajarningit ammalu Kanatalimaarmi Inuit qanuinnginiqsaulirajarmata.

Qanuqtuuruti


Qanuqtuurutiujuk tamakkua pivaalliqlugit pivalliagutigijauvalliagutiqaqpuq tallimailiqqangajunit quttiniqsauliqpallialutit (Ajjinnguaq 2) pivalliagutigijaugiasiluni atuqtaujarialiit Ilinnariittianiqsauqullugit Inuit Silattusarvimmi ammalu ikajuutiqattiarunnalirajarningit kinguniagut ilinniariqsimaliqtillugit tamainnut inuuqatigiittunut.

Ajjinnguaq 2. Ilinnariiqitut Amisuuningit Amisurukkannirningit Inuit Silattusarvirjuarmi Ilinniaqtunut - Qanuqtuurutip Nalunaijaqtausimaningit



Taanna qanuqtuuruti piqasiujjisimavuq amisunit piliriarijaujarialingnik ammalu qanuiliurutigijaujarialingnik

Ajinnuguaq 3: Ilinniarisimajut Amisururiaqtaulutit Inuit Silattusarvimmi Ilinniaqtut – Nalunajattiaqsimajut Qanuqtuurutip Qanuiliurutaalutit Pivallianiqarajarningit



Tamainnut Isumaksaqsirutaularialit

Inuit Silattusarvimmi Ilinniarningingnut pilirianguqujaq saataksausimaniaqput Inuit Tapiriit Kanatami aulattijit aqqisuqsimaningitigut. Inuit Tapiriit Kanatami iqqanaijasuungungmata kiggaqtuillutit tisamanit avittuqsimajunit katujjiqatigiini aulattisuut nunataarnimut angirutimi Inuit aajirarutigisimajangit Kuip Kiggaqtuijanganik Kanatami. Angajuqqaarijaujut taakkunani katujjiqatigiittunit – Inuvialuit Avittuqsimaningit Kuapuriisan, Nunavut Tunngavik Timingat, Makivik Kuapuriisan, ammalu Nunatsiavut Gavamangat – katimajuqatauvut niruarunnaq&utit Inuit Tapiriit Kanatami katimajingingnik. Tamainni, Inuit Tapiriit Kanatami katimajiralaangit taikkunanngat katimajitaasuuq ammalu taikanngaaq&utit katimajujunit.

Kanatalimaarmi Aqqisuttiaqsimajariaqarningit Aulaniujut

Inuit sivuliqtiujariaqaqput aulattilutit silattusarvimmi Inuit ilinniaqtut ikajuqtuqtaulutit. Ullumiujut Silattusarvimmi Ilinniaqtut ikajuqtuqtaukainnasuungungmata ammalu atauttimiititaullutit ikajuqtuijutingit. Pilirijiqatuqarialik ikajuutiksaujunit ammalu ikajuqtuqtaujutiksangit atuinnaumaniarmata atuqtaulutit aulaniqattiatukkut qaujisaqtauqattaqullugit Inuit silattusarvimmuqsimajut kiglisiniaqtausimaningingnik tukisiumalirunnaqulluta atuqtauvalliajunik ammalu pijjutinik, ammalu atuliqtauvallialiullugit kiinaujaqaqtitaunirmut aulajusingit ammalu suqquinattiaqtukulukkut tusaumatitauqattarlutit piliriat ilinniaqtiulaaqtunut. Kanatalimaarmi aqqisuqtausimajuqarninga pivalliaqutigijaujarialik tuttarviqarluni ammalu avittuqsimaniqauqtut tuttarviksangingnik aulattiliullugit ammalu aqqiksuilutit piliriarmi. Nalimugiittitauttialit Inuit Nunanganninngaangajut sivullititujangit, avittuqsimajuni ajjigiinnginningit isumagijaugiarjuumilutit ammalu nunalipaujarmi kinnguumagijaujut isumagijaummilutit, ammaluttauq suqqinaqtunik pilirittiarutiit nalunaikkutangingnik qaujisaqtauqullugit ilinniariqsimattiarningit ammalu aqqigiarlugu piliriat aqqigiarqarniraippat.

Pijittirarutiujauqajaqtuq aqqisuqsimaninga tukimuattitaugajaqpuq qanuilinganiqariaqaqtuksaummangaaq ammalu aulatauluni Inungnut aqqiktaulutit Inuit pijittiraqtingita katujjiqatigiingit taimaigunnarniraippata ajunngilluni. Aulattinirmut aqqisuqsimaningalu tunngaviqarajaqpuq saataksausimasuunguluni Inungnut takuksakkut kamagijaqarlutit ammalu tamainni Inuit aturunnarlutit namirmiutaugalarutit Kanatami. Piusivaallittigajaqtuq aqqisuqsimaningit turaangajut piliriat ammalu qanuqtuurutiit, aulattinirmut uqumailuarjaiqsimalirlutit ammalu pivalliaqutitaulutit Inuit aqqisuqsimaniqattiarunnarningit. Kiinaujat angiqtaulauqtillugit Gavamatuqakkunni, uqaqatigiikkannilirajaqtugut ammalu parnautiliukkannilirluta pijariirunnaqullugu tamanna aulattinirmut aqqisuqsimanirigajaqta.

Nunalingmiut Iqauqatauningit

Qanuiliuqtuqariaqarmingmallu nunaliujumi ikajuqtuqtauttianiqsauqullugit Inuit silattusarvijjuarmiittut, ilagiarutittiavaalukkanniugajaqtuq ullumiujug ikajuqtuijuttajariiqitunik, upalungaiqullugit ilinniaqtiit Silattusarvimmi Ilinniaqtillugit inuusirigajaqtangingnik ammalu takuksautittilitit qanuiliurunnarmingmata atuinnaullutit ilinniaqtinut ilinniaqtillugit ammalu Ilinniariittiatillugit Silattusarvimmi.

Iqqanaijaaqakkanniriaqaqtugut atauttimuunganiqsauliqtitauluni Silattusarvimmi Ilinniaqtut Inuit nunalingingni. Nunalingmiutaujut, innatuqait, ammalu angajuqqaarijaujut qiturngaliit tukisumaniqattiakkannirialiit ikajuutiqarunnarningit Ilinniariarluni Silattusarvimmut. Piunngittukkut iqqaqtuiruluujatuinnarunnairlutit tamakkununga ullumiujug ilinniarviujunut nunaliujuup silataaniittunut, taimannaliurutausuut uattiaru aannirutigijammariulauqsimajunik ilinniariarviuqattaqtuvininut (Uttuutigilugu ilinniariqtitauvalauqsimajut Inuit ilinniarviujunut). Iliqqusiq asijjirialik kajungiqsaqtuqullugit ilinniaqtiit Ilinniariarajarmata Silattusarvimmut ammalu ikajuutiksank atuinnaumatitaulutit kajusiniqattiarajarmata ilinniaqtaminik.

Inuit Ilinniaqtiit Ikajuqtuqtaullattaarlutit

Amisut ikajuutiksats taakkunungaqtitaujariaqallattaqtut ilinniaqtinut atuni. Ammalu taikkua kiinaujat ilinniaqtinut ikajuutiit tamainnut atuqtaugunnarialiit nakinggaangagaluaqtillugit kigliqaqtitaunngillutit. Kiinaujat ilinniaqtinut ikajuutiit nalimugiittitaujariialiit ammalu ajjiqarlutit inuusingita nalimugiittitauqattannginningit amisut Inuit ilinniaqtiit atuqpattanginut. Amisuuniqsat kiinaujat ilinniaqtinut ikajuutiksangit piqasiujjijariialiit Inungnuungajunut nalimugiittitauqattanngigutingit suurluk akittupalliatuinnarningit aullarluni, pairivinut akiliutingit, ilagiit ikajuqtuiqatigiingninginut ammalu inuusiqarnirmut akiliutigijaujariialiit Inuit ilinniaqtinut, ammalu taimaimmat aulataujariialiit ajjiunnginningit atuqtausuut Inungnut isumagijaugiarjuumilutit. Taimainnginniqsauva&&utit nunaqaqqaqsimanngittut Inuit ilinniaqtiit, amisuuniqsat Inuit ilinniaqtiit qiturngaqaurmata ammalu amisut tamakkua ilinniaqtiit ungasiksatummarisuut angirraminik ilaqaunngittiaq&utit qanigijaminik ikajurajaqtunik qiturngangingnik paqqilutit. Ilinniarutiksaujullu turaanganiqaliqtitaujariialiit Inuit piqqusinganut, ammalu piqasiujjilutit Inungnuungajunik silattusarvirjuarmi ilinniarutiujut, aanniaqtailimanirmut ikajuutiit, ammalu inuuqatiminut ikajuqtuqtauttianiqsaulutit qaujimanattiaqullugit tamakkua ilinniaqtiit kajusiniqattiarniarmata ilinniaqtaminik ammalu pijariirlutit Silattusarkummi Ilinniarningingnik.

Inuuqatigiittunut Ikajuutiqarajarningit

Tikitaunasuallattaarmalli amisururiaqtaulutit Inuit Ilinniaqtut Silattusarvirjuarmi pijariirlutit ikajuutiqaliqullugit upalungaittiarlutit Inuit iqqanaijarunnaqsigajarmata, pivalliajuliriniq piruqpalialiqtitauluni ammalu pivallialiqlugit, ammalu amisururiarlugit Inuit nangminiqsurunnarningit.

Kiinaujaqturutiksats ammalu Ikajuutiqaarningit

Kiinaujaqturutiksats turaangajut amisururiaqullugit piusivaalliqullugillu Inuit Silattusarvimmi Ilinniariiqsimaningita amisuuningit angijummariuvuq, taimaikkillutit pivalliatarrunnaniqsauliraja&utit ammalu inuuqatigiinut ikajurniqattiammarikkajarningit. Amisuungmata pijjutauluaqtut tunngavitaarutigijaugajaqtut kiinaujaqturutiksaliurluni. Ukuangullutit:

- Amisummariit kiinaujat tunijauvagiirmata Inungnut ilinniaqtinut Silattusarvimmi Ilinniarunnaqullugit taikanngaaqtut gavamatuqakkunni Nalauktaaqtusimajut kiinaujat tavvuuna qanuqtuurutitigut imannauqujavut \$73 milian kiinaujat quliit arraaguniaqtunut, ilinniariinngitillugit nuqqatuinnausuungummata ammalu qattiinnakulungnik silattusarvirjuamir ilinniariiqtuqasuungulluni
- Kajusiniqattiaqullugu ammalu piusivaallillattaqullugit Inuit Silattusarvimmi Ilinniariiqpattut amisuuningit, kiinaujanik amisunik atuqtuqarialik ikajuqtauqullugit kanatalimaarmi aqqisuqtausimajuqarluni, nunaliujunut piliriqatiqattianiqsaulirlutit, ammalu asingit ikajuqtuijjuksausuut asiaticigut ilinniaqtinut silattusarvirjuarmiittunut.
- 1-2 arraaguuk iluani aturiaqarniqsammariugajaqtugut Kanatami aqqiksuisimalirunnaqulluta iqqanaijaqtitaarluta, pilimmaksailuta, ammalu iqqanaijaqtiit aullaqtillugit ikajurutaugajaqtut Inuit ilinniaqtiit silattusarvimmuurasuarutingingnik naatirijuqarniqsauqattalirluni ammalu upalungaijaqtillugit ilinniaqtiit sivulliqpaami arraagumi ilinniaruaqtillugit silattusarvimmut. Tamanna sivulliqpaaq arraagunga (Arraagu 1) aturiaqarajaqtut, qaangagukkanniq kiinaujaqturutiksanic, atausiarlutit kiinaujaqatitaulutit \$2 milian kiinaujanik.

Inuusirmut–pivallianirmut ikajuutingit amisururiaqtaugutit Inuit Silattusarvimmi Ilinniaqtut angijummariuvut, ilatuinnangalu amisunit nalusaikkutanik kajusiniqattiarniqsauliqullugit atuni iqqanaijalirajaqtut kiinaujjaksalirlutit. Kiinaujjaksarijaujunnaqtut amisuuniqsaulirunnatummariummata Silattusarvimmi Ilinniariiqsimajunut Taakkua takuksautitauvut kiinaujjaksagunnattiarniqsaugajarningit kipparittuni 1 titiraqsimallutit.

Kippaarittuggutaujut 1 titiqtuqsimaningit. Ilinniariiqsimaningit ammalu arraagumut kinaujaksaningit Inungnut ammalu nunaqaqqaqsimanngittunut Inungnut Kanatamiutaujunut.

Arraagutamaat Kiinaujjaksangita Ajjigiinnginningit (Silattusarvimmi Pijariiqsimajut ammalu Quttiniqpaami Pijariiqsimatuinnaqtut)	Arraagutamaat Kiinaujjaksangita Ajjigiinnginningit (Silattusarvirjuarmi Pijariiqsimajut ammalu Quttiniqpaami Pijariiqsimatuinnaqtut)
\$16,303	\$37,526

Tukisigiarutiit kiglisiniaqtausimajut taakkununga kamagijausimallutit Kiglisiniaqtimmarikkut Kanatami^x takuksautittivut, taimailuasuunguningit, Inuit Silattusarvimmi Ilinniariiqsimajut **\$16,303** kiinaujjaksaniqsausuut arraagumut taikkua Inuit quttiniqpaami ilinniariiqsimajut saniani Inuit silattusarvirjuarmi ilinniariiqsimajut nalunaikkutaliit kiinaujjaksaniqsammariusuut – **\$37,526** amisukkannirnik arraagumut atausirmut, taimailuasuungullutit, Inuit quttiniqpaami ilinniariiqsimajut saniani. Kiinaujaliurutiqarunnarningit silattusarvirjuarmi uvvaluunniit Silattusarvimmi Ilinniariiqsimalutit Inuit amisummariuvut ammalu amisuuniqsammariullutit kiinaujaliurunnarningit Nunaqaqqaqsimanngittunut Inungnut Kanatamiutaujunut.

Amisururiaqtaulutit Atiliuqtut Ilinniariaqattarlutit ammalu Amisururiaqtaummilutit Pijariiqattaqtut Ilinniaqtaminik

Piliriarijaulluaqtuq tavnani qanuqtuurutimi amisururiaqtaulutit “amisuuningit” Inuit ilinniaqtut silattusarvimmuurunnarajaqtut amisuuniqsat quttiniqpaami ilinniariirningit amisuuniqsaulirlutit ammalu nunalingmiutaujut piliriqatigijaugiarlutit Ilinniariaqtaunasuaqattarlutit Silattusarvimmut. Silattusarvimmuunngiluaqattaqtut amisururiaqullugit, amisuuniqsat Inuit ilinniariaqattarialiit ammalu pijariirlutit silattusarvimmi. Nunalingmiutaujunit ammalu ilinniaqtinik piliriqatiqarniqsauluni ammaluttauq takuksautitauniqsaulirlutit Silattusarvimmi Ilinniariiqsimajut Inuit nunalingingni, niriunniqaqpugut, amisururiaqtittigajaqtuq Inuit quttiniqpaami ilinniariisuut amisuuningingnik.


Akingit kiinaujaqaqtitaquullugit tamakkua ilinniaqtiit isumagijaqariarutiqaqsimavut amisururiaqtittinasuarnivut amisuuningit silattusarvirjuarmut ammalu silattusarvimmut ilinniariaqattarlutit, amisunut arraagunut ilinniarajarningit, niriugijaujut nuqqarajaqtut, ammalu kiinaujaqaqtitauniqsaulutit atuni ilinniaqtiujut. Tamakkuali kisiani akiliutiqarajanngittut akingit suurluk silattusarvimmi atuni ikajuqtiqarlutit ilisausiritillugit, inuusilirijauningit, aanniaqtailimaningit, inuuqatigiingningit, uvvaluunniit kanatalimaarmi aqqisuqtausimaningit aulattilutit. Tamainnilimaq tamakkua pijaujariaqarivut qaujimanattiaqullugu taanna qanuqtuurutiujut kajusiniqattiarajarmat ammalu uattijaulutit pijariiqsimaningit qilamiujukut.

Ilinniaqtinut ikajuutingit asiatigut suurluk ilinniarajarningingnik pilimmasaqtitaulutit, inuusilirijauningit, aanniaqtailimajauningit, ammalu inuuqatigiigunnaqattaqullugit ikajuutingit;

Nunalingmiut ilautitaulutit amisuuniqsanik Inungnik Silattusarvimmuqtuqaqattarajarmat ammalu tamakkua Inuit piqqusinganuungaliqtillugit ajjiqarlutit iliqqusingingnik; ammalu


Kanatalimaarmi aqqisuqsimauttiarlutit atauttimuqtauniarmata, ikajuqtuijjutaulutit, ammalu uattijaulutit ilinniaqtiit ilinniariiqsimaningit

Ajinnuaq 4 takuksautittivuaq arraagutamaat piusisimaniqsakkut kiinaujjaksagunnarajarningit Inuit ilinniariiqsimajut Silattusarvirjuarmi Ilinniartutit malittugu taanna tuksirautivut, takuksautittigivurlu kiinaujjaksagunnarajarningit quttiniqpaami ilinniariiqsimatuinnarutit quttiniqpaami nalimunnilimiluunniit ilinniariiqsimalutit.



Ajinnuaq 4. Arraagutamaat Piuniqsami Kiinaujjaksagunnarajarningit Taikkua Silattusarvimmuqtitauqattarasuaqtut ammalu Quttiniqpaarmi Ilinniariiqsimatuinnaqtillugit Kiinaujjaksaarigajaqtangit (Kiinaujallattaat \$)

Ajinnuaq 5 takuksautittivuaq iqqanaijaaqatillugit, tamakkua kiinaujjaksagutingitigut ikajuutiqaarniqsaugajarningit. Taakkua quliit arraagutaniguqpalliatillugit qanuqtuuruti atuqtauninganik ilinniariiqsimajut iqqanaijaangitigut kiinaujjaksaaqarunnarajaqtut katilimaaq&&ugit imannanik \$5.7B vilian kiinaujat, atuqtautuinnarutit surrattaunngilluni ullumiujuq atuqtausuut kiinaujjaksagunnarajarningit imannanik \$2B vilian kiinaujat.



Titigtugaujaqsimaninga 5. Iqqanaijaarijauunit Kiinaujjaksagutaujunnarajarningit Silattusarvimmi Ilinniariiqsimajunut (Kiinaujallattaat \$)

Pivalliaqutiqarnirmut ikajuutiqarajarningit taakkutiguuna qanuqtuurutitigut angijummariuvut ammalu kajusiniqarajaqtuni atuni ilinniaqtiit iqqanaijaangitigut pivalliatittiqataulutit asiatigut ammalu pivallianiqaalirmilutit nunalingingnut nunagijaminik ammalu Inungnut kanatalimaarmi. Tamannalu pigiaqtittigutaugajaqtuq tunngaviliurlutit piusivaalliqsimajukkut inuusiqaalirajarningit – pivalliaqunnalirajarningit tamainnut Inungnut ammalu kanataliutalimaarnut.

Pivalliaqutiqarlutit Atuliqtittivallianiuvuq

Taanna qanuqtuurutiujug aksummarialuk piliriaksaqaruluujaqtittiqujingmat, ammalu amisuuniqsammaringnik Inuit Silattusarvimmi Ilinniariqtittinasuaq&uni, angijualungmik inuusirmut–pivallianirmut ikajurniqammarikkajaq&uni piqasiutillugit, taakkutuunngittutillu titiraqsimaningit, pivallianiqaqtittilutit ikajuutaugajaqtut kiinaujaksaniqsaulirningingnut Inuit. Kisianili, tamakkua piusivaalliqsimaningit tavvakautigikuluk takuksaugunnajjaanngittut ammalu pivalliaqutitigijauvalliagajaqtut aniguqpalliatillugu. Sivulliqpaami kiinaujalirinnap arraagungani iqqasaijaqtitaariaqarajaqtugut, aaqiksuluta, kiinaujaksagutinik piusitittigarjuumiluta, ammalu Inungnik piliriqatiqariannarluta. Nalauktaaqtausimavuq sivulliqpaami arraagungani (arraagu 0) kiinaujanik aturiaqarajaratta imannanik \$2M milian kiinaujanik. Taikani sivulliqpaangani arraagumi, piliriaq tusaumatitauvalliqliqtillugu Inungnut ilinniaqtiujunut, nirugijauvuq tamainnilimaakuluk kiinaujat arraaguni pigiaqpalliatillugit piliriarmi kamatilluta atuqtainnaujaanngittut. Taanna qanuqtuurutiujug isumagijaqarutausimangmat naliatuinnait kiinaujat atuqtausimannngittut kiinaujaqaqtitaunittinnik arraagungani sivulliqpaami sivumuagutigijaugajarmata kingullirmut arraagumut atuqtaugunnarlutit. Ammalukkanniq, ullumiujug silattusarvimmut ilinniaqtiit kiinaujaqtaarivattangit, isumagijauvuq ullumiujug kiinaujaqaqtitausuunguningit Inungnut aulmaaqtitaugajaqtut Inungnut aulataulirlutit ammalu amigaqsiningit nalauktaaqsimajattinni akiliutaugajaqtut kanatamut.

Nainaaqsimaningit ammalu Atuliquajujut

Inuusirmut–pivallianirmut ikajuutiqaarningit suurluk kiinaujaksaniqsaulirningit, asiatigut iqqanaijaat saqqilirajaqtut ammalu iqqanaijaat amisururialiqtaulutit, nangminiqsuniqsaugunnaliqtittigajaqtug Inuit pivallianingingnik ammalu Inuit qanuittailmaningit piusivaallirunnarningit angijualuuvut. Tamakkua kiinaujat atuqtaujut tunijat Inuit sivuniksanganut ikajurniqarajarmijug tamainnulimaattiaq kanatamut ammalu Kanatami pivalliajulirinittinni.

Nalunaijaigutingit

ⁱ \$20,000 Nalauktaaqtausimajuq ilinniaqtiit kiinaujaqaqtitausuut atausirmut inungmut ilinniaqtimut arraagumut. Tamakkua amisuuningit ajiqanngittut asingingnut ilinniaqtisuunut (suurluk ilinniaqtiit qiturngaliit, innauniqsait ilinniaqtiit, ilinniaqtiit timimigut ajurutiliit, nunalirjuap silataaniinngaagtut ilinniaqtiit asingillu). \$20,000 atuqtaulusuut amisuuningit avittuqsimajuni kiinaujaqaqtittisuunut timiujunut malittugit amisuuningit inuit ilinniaqtut tuksiraaqasuut ajiingingnik kiinaujanik akiliutiqaqullugit kinnguumagijatuinnannginnik inungnut ilinniaqtinut silattusarvimrunnaqullugit. Amisuuningit taakkua ullumiujug akiliutiqaqanngittut kinnguumagijautuinnasuunik suurluk igluqarningit sivulliqpaami arraagumut ilinniaqtiit ilinniaqtut, pairivnut akiliutiit, attanangittumiillutit igluqarningit, nirijjutiksangit, ingirrajutinut, uqalimaagarnut ammalu silattusarvimmut akiliutausuut ilinniarunnaqullugit.

ⁱⁱ Ajiunngittumik tunngaviqaq^ᐅtit kiinaujaqaqtittiningit.

ⁱⁱⁱ https://www12.statcan.gc.ca/census-recensement/2016/dp-abpopprof/details/page.cfm?Lang=E&Geo1=PR&Code1=01&Data=Count&SearchText=Canada&SearchType=Beqins&B1=Income&C1=All&SEX_ID=1&AGE_ID=1&RESGEO_ID=1

^{iv} https://www12.statcan.gc.ca/census-recensement/2016/dp-abpopprof/details/page.cfm?Lang=E&Geo1=PR&Code1=01&Data=Count&SearchText=Canada&SearchType=Beqins&B1=Income&C1=All&SEX_ID=1&AGE_ID=1&RESGEO_ID=1

^v Allait ammalu ukiuqtaqtumiut kamagijauningita timinga kanatami silattusarvimmiittut qimirrunaktauningit, 2017.

^{vi} Kiglisiniaqtimmarikkut kanatami, 2010. <https://www150.statcan.gc.ca/n1/pub/89-645-x/2015001/income-revenue-eng.htm>

^{vii} Naammanngittut iqqanaijaaksat iqqanaijaarijausuullu atuinnaumajut nunalingni silattusarvimmi ilinniarisimajunut ammalu aujakkut ilinniaqtiit iqqanaijaqtillugit ilangingni avittuqsimajuni. Ilinniaqtiit tautunnguarunnaangikkutit sivuniksami iqqanaijaarijumagajaqtaminik iqqanaijaaksanillunniit pitaqaunngittunik nunalingingni silattusarvimmi ilinniarisimajariaqarnaqtunik, ilangit ilinniarisimajunarmata. Iqqanaijaaksaqtaqanngittillugu ilinniaqsimajunut inungnut nunalinginni, taimali silataaningaaq Inuit Nunanganni iqqanaijaaqtaariaqalisuut.

^{viii} Nunavingmi, kiinaujat ilinniaqtinut ikajuusiat taaksijaititausuungungmata, tamanna kiinaujaqtigut akiliutaujariaqakanniqtug ilinniaqtinut kiinaujaqtaaqtausuunut uqumailirutaukkanniqsimasuuq. Nunatsiavummi ammalu inuvialuit avittuqsimajungani, kiinaujat atuinnaumatitaisuut malittugit sivulliujuujaujut. Ilinniaqtiit nunaqauqtut avittuqsimaningingnik kingulliqpaangutitaisuunguvut taikkua nunanganirmiutaujut saniani. Ilangit kiinaujaqaqtittisuut timiujut kiinaujaqaqtittisuungunngimmijut ilinniaqtijuq akiliutauluaqtuviniutillugu, asingilli atuagangingnik piluannginniqaugaluqatillugit. Ilangit kiinaujaqaqtittisuut timiujut isulittaqtittisuut arraagut/pinasuarusiit kiinaujaqarunnaqtitaunirnik. Quttiniqaami ilinniakkanniriaqaqtillutit silattusarvimmuurrunnaqullutit, kiinaujaqaqtitaun^ᐅnnarunnarajarmijutit tamainnut tisamanut arraagunut nalunaikkutaqtaarasuarvigijarnut.

^{ix} Pijaviniq: Kiglisiniaqtimmarikkut Kanata. 2018. Aaqquisuqtausimajuq nalunaikkutaqaqtitaulluni, malittugit 2016-mi kiglisiniaqtaviniuningit Inuit.



ᐃᓄᐃᑦ ᑕᐱᓃᑦ ᓇᑕᑦ
INUIT TAPIRIIT KANATAMI



75 Alvut Aqqutinga, Allagvik 1101
Aatuvaq, Aantiuriju Kanata K1P 5E7



613-238-8181



@ITK_Canadainuit



InuitTapiriitKanatami



www.itk.ca